

Prope Malacam rep. a. 1851 una cum N. 6089 et una cum eo adservata, tabula aenea (II 1965 edid. primus Berlanga, illustravit Mommsen die Stadtrechte der latinischen Gemeinden Salpensa und Malaca [Abh. der phil.-hist. Cl. der sächs. Gesellsch. d. Wiss. 2, 1857 p. 574 seq.]). Pars est legis municipio Flavio Salpensano (vide cap. 28. 29) datae (cap. 26) temporibus Domitiani, ante annum 84, quo is Germanicus dici coepitus est, paullo postquam Salpensa oppidum, quod in Baetica fuisse prope Utreram, 20 fere m. p. ab Hispali, tituli II 1281. 1286 declarant, una cum reliquis Hispaniae oppidis (Plin. h. n. 5, 30) ius Latii a Vespasiano acceperat. Quomodo factum sit, ut pars legis Salpensanae reperta sit Malacae, loco a Salpensa complurium dierum itinere (plus minus centum mil. passuum) distante, incertum est (fortasse lex Malacae in aere incisa, nam non in omnibus oppidis fabros aerarios fuisse tali operi aptos consentaneum est, numquam Salpensam per-venit; exemplum cuius partem habemus numquam publice propositum fuisse vi-detur indicare Domitiani nomen illaesum).

Lex municipii Malacitani.

6089 [R. De nominatione candidatorum.]

LI. Si ad quem diem professio] | fieri oportebit, nullius nomine aut | pauciorum, quam tot quod creari oportebit, professio facta erit¹, sive ex his, | quorum nomine professio facta erit, | pauciores erunt quorum h. l.¹ comitiis rationem habere oporteat, quam tot² creari oportebit: tum is qui comitia habere debebit proscribito, ita u. d. p. r. l. p.³, | tot nomina eorum, quibus per h. l.⁴ | eum honorem petere licebit, quod de|runt ad eum numerum, ad quem crea|ri ex h. l. oportebit. Qui ita proscripti | erunt, ii, si volent, apud eum, qui ea co|mitia habiturus erit, singuli singulos eiiusdem^{4a} condiciones⁵ nominato, | ique item, qui tum ab is nominati erunt, si | volent, singuli singulos apud eundem eandemque (sic) condicione nomina|to; isque, apud quem ea nominatio facta erit, eorum omnium nomina proponito ita ut⁶ u. d. p. r. l. p.³, deque is om|nibus item comitia habeto, perinde | ac si eorum quoque nomine ex h. l. de | petendo honore professio facta esset | intra praestitutum diem, petereque | eum honorem sua sponte cepissent⁷ ne|que eo proposito desistissent. |

R. De comitiis habendis. |

LII. Ex Iviris qui nunc sunt, item ex is, qui | deinceps in eo municipio Ivirii erunt, | ute maiori natu erit, aut, si ei causa quae inciderit q. m.⁸ comitia habere pos|sit, tum alter ex his comitia Ivir., item | aedili|bus, item quaestoribus rogandi | subrogandi h. l. habeto; utique ea

1) *Hac lege.* — 2) *Insere quot.* — 3) *Ut de plano recte legi possint.* —

4) *Hanc legem.* — 4a) *Cf. not. 9.* — 5) *Condicionis.* — 6) *Dele ut.* — 7) *Scr. coepi-sent.* — 8) *Quominus.*